



# XAYR BOG'CHA

## SALOM MAKTAB



## MTM XODIMLARI

# MAHSULOTI





## **Xayr bog'cha – salom maktab**

Maktabga tayyorlov guruhлари uchun bayram ssenariysi Bog'cha sahnasi bayramona bezatilgan. Devorda atrofi gullar bilan bezatilgan “Xayr bog'cha – salom maktab” so'zlari yozilgan plakat ilingan. Bolalar sahnaga qo'llarida gul va bayroq-chalar bilan kirib keladilar. O'zbekiston Respublikasi Davlat Madhiyasi yangraydi.

**BOSHLOVCHI:** – Assalomu alaykum ota-onalar, aziz buvijonlar, mehribon tarbiyachi us-tozlar! Sizlar bilan 5 yil davomida birga bo'lib, bugun xayrlashmoqdamiz. Sizlarni “Xayr bog'-cha – salom maktab” nomli xayrlashuv oqshomiga bag'ishlangan bayramimizni tomosha qilishga taklif etamiz. Tadbirni muassasa rahbari ochib beradi.

**MUASSASA RAHBARI:**

– Yuzlaring yal-yal yonib, odimlaysan mardona  
Bir qo'lingda sumka bor, birida-chi guldasta.  
Oylar o'tar, yil o'tar, ulg'ayasan bir kun sen,  
Seni kutar koinot, kutadi qahramon el.

**1-BOLA:**

– Bu dunyoda chamanlar ko'p,  
Bu dunyoda vatanlar ko'p,  
Barchasida yashnar gullar,  
Barchasida yashnar dillar.  
Mening uchun yer-u bo'ston,  
O'zbekiston, O'zbekiston!

**BARCHA BOLA:**

– Mo'tabar va aziz opa-jonlarimiz, sizlarga ta'zim qilamiz!



MADINA:

– Nima uchun bu kunni,  
Qutlug‘ bayram qilamiz.  
Chunki tez kun ichida,  
Biz maktabga boramiz.

BOTIRJON:

– Bugun hamma shod-xurram,  
Dadam, oyim va opam.  
Tabriklashib ketishar,  
Hatto xolalarim ham,  
Salom maktab, jon maktab!

Bolalar ijrosida “Xayr bog‘cham, bog‘cha opam” qo‘shig‘i kuylanadi.

BOSHLOVCHI:

– Tabriklaymiz-tabriklaymiz,  
7 yoshga to‘libsiz.  
Tabriklaymiz hammamiz,  
Katta bola bo‘libsiz.

1-BOLA:

– Xayr-bog‘cham, gul bog‘cham,  
Bag‘ri to‘la nur bog‘cham.  
Xayr o‘yinchoqlarim, bolg‘acha-yu, o‘rog‘im,  
Xayr paqircha-yu, kuragim,  
Xayr g‘oz-u, o‘rdagim.  
Oq quyonim yaxshi qol,  
Mashinacham yaxshi qol.

2-BOLA:

– Ona kabi mehribon,  
Ilm fanlarga makon.  
Yayrab o‘qiyman har on,  
Qadrdonim maktabim.





**BOSHLOVCHI:** – Aziz bolajonlar! Bugun sizni tabriklash uchun otalaringiz, mehmonlar va kichkintoy ukalaringiz tashrif buyurishgan. Ular sizlarni mustaqil O‘zbekistonimizning yetuk farzandlari bo‘lib yetishishingizda omad va muvaffaqiyatlar tilaydilar. Katta guruh bolalari musiqa ostida kirib keladilar.

**3-BOLA:**

– Opajonlar, akajonlar yetti yoshga to‘libsiz,  
Tabriklaymiz biz sizni, siz o‘quvchi bo‘libsiz.

**4-BOLA:**

– Men ham sizday bo‘laman,  
Maktabga ham boraman.  
“2” baho olsangiz,  
Xafa bo‘lib qolaman.  
*Bolalar “Tinchlik bo‘lsin” qo‘shig‘ini aytib beradilar.*

**5-BOLA:**

– Mehr nuri yog‘ar doim, yuzingizdan ustozlar.  
Yursam deyman bu tabarruk, izingizdan ustozlar.

**1-BOLA:**

– Biri gul, biri bulbul, o‘g‘il qizlar shod bugun.  
Qalbidan gul tutadi, mehribon ustoz uchun.  
Bolalar “Ustozlar” qo‘shig‘ini aytib beradilar.

**2-BOLA:**

– Xayr g‘uv-g‘uv mashinam,  
O‘rtoq bo‘lgansan sen ham.  
Maktab yoshiga yetdim,  
Endi o‘qiyman men ham.



**BOSHLOVCHI:** – Bolajonlar, kelinglar, sizlar bilan “Maktab-maktab” o‘yinini o‘ynaymiz! Qani, bog‘chada olgan bilimlaringizni bir sinab ko‘raylikchi!

Darsga qo‘ng‘iroq chalinadi.

– Bolalar! Qo‘ng‘iroq bizni ona tili darsiga chorlayapti. Kim ona tilimiz haqida she‘r biladi.

**3-BOLA:**

– Ona tilim dono tilim,  
Berar menga dunyo bilim.  
Ona tilim o‘tkir so‘zim,  
Senda kamol topdi tilim.

**4-BOLA:**

– Qayga borsam o‘tkir so‘zim,  
oyga uchsam oydin yuzim.  
Aqlim oshar, baxtim toshar  
ona tilim, ona tilim.

Tanaffusga qo‘ng‘iroq chalinadi.

**BOSHLOVCHI:** – Bolajonlar tanaffusga qo‘ng‘iroq chalinyapti. Tanaffus nimaligini bilamizmi? Tanaffusda qo‘shiq aytish, raqsga tushish, o‘ynash mumkin.

Bolalar birgalikda “Maktab nimani o‘rgatadi” qo‘shig‘ini ijro etib beradilar.

Darsga qo‘ng‘iroq chalinadi.

**BOSHLOVCHI:** – Navbatdagi darsimiz matematika. Misollarni eshiting!

1-misol: – Qorga yiqildi Vali, uning ketidan Ali, keyin yiqildi Jabbor, qorda qancha bola bor.

Bolalar javobi (3 ta).

*2-misol:*

– Quyunchani uyiga tashrif buyurdi do‘sti.  
To‘nkaga o‘tirilib, sabzini mazza qilib,  
Har biriga beshtadan, yedilar qarsillatib,  
Kim bilar sanog‘ini, nechta yeyilgan sabzi.

*Bolalar javobi (10 ta).*

*Tanaffusga qo‘ng‘iroq chalinadi*





**BOSHLOVCHI:** – Bolajonlar, tanaffusga qo‘ng‘iroq chalindi. Hozir bizning qizlarimiz chiroyli raqs ijro etib beradilar.

Qizlar ijrosida “Bog‘ ichida” raqsi. Darsga qo‘ng‘iroq chalinadi.

**BOSHLOVCHI:** – Aziz bolajonlar, qo‘ng‘iroq bizni jismoniy tarbiya darsiga chorlayapti. “Biz Alpomish o‘g‘lonlari” qo‘shig‘i. Bayroqchalar bilan mashq.

Tanaffusga qo‘ng‘iroq chalinadi.

**BOSHLOVCHI:** – Bolajonlar, yana sizlarning bilimlaringizni sinab ko‘ramiz!

– Qor erib shoshar, ariqlar toshar.

Gullar ko‘p asl, bu qaysi fasl?

**BOLALAR:** – Bahor!

**BOSHLOVCHI:**

– Qizdirar quyosh, cho‘g‘dek yonar tosh.

Dalada hosil, bu qaysi fasl?

**BOLALAR:** – Yoz!

**BOSHLOVCHI:**

– Bo‘m-bo‘sh dala, qir, yog‘adi yomg‘ir.

Tinmay muttasil, bu qanday fasl?

**BOLALAR:** – Kuz.

**BOSHLOVCHI:**

– Yerni qor qoplar, soyni muz yopar.

Ayoz behazil, bu qaysi fasl?

**BOLALAR:** – Qish.

**BOSHLOVCHI:** – Rahmat bolajonlar, judayam bilimli, zukko, dono bolalar ekansizlar. Shu vaqt davraga sho‘x musiqa ostida Bilmasvoy kirib keladi.

**BILMASVOY:** – Iye, bu yerda nima bo‘lyapti? Bunchayam odamlar ko‘p!

**BOSHLOVCHI:** – Bilmasvoy, avval, bizlar bilan salomlashmaysanmi? O‘zing qayerga ketyapsan?



**BILMASVOY:** – Ey! Shuniyam bilmaysizmi, maktabga ketyapman, maktabga!

**BOSHLOVCHI:** – Xo‘p yaxshi, maktabga ketayotgan ekansan, sanashni, yozishni, o‘qishni bilasanmi?

**BILMASVOY:** – Ey! Meni nima deyapsiz! Qoyillataman!

**BOSHLOVCHI:** – Bo‘lmasa seni bir sinaylikchi.  $2+2$  nechchi bo‘ladi.

**BILMASVOY:** – 3 bo‘ladi.

**BOSHLOVCHI:** – To‘g‘rimi bolalar?

**BOLALAR:** – Yo‘q, noto‘g‘ri, 4 bo‘ladi.

**BOSHLOVCHI:** –  $1+1$ ni qo‘shsak nechchi bo‘ladi. Bilmasvoy o‘ylanib qoladi.

**BOSHLOVCHI:** – Endi o‘qish va yozishga o‘tamiz. Mana shu harflardan “Vatan” va “Ona” so‘zlarini yozib ber-chi. Bilmasvoy harflarni to‘g‘ri qo‘ya olmaydi.

**BOSHLOVCHI:** – Bolalar to‘g‘rimi?

**BOLALAR:** – Yo‘q, noto‘g‘ri!

**BOSHLOVCHI:** – Sumkalarni nima qilasan? Qani bir ko‘raylikchi.

**BILMASVOY:** – Bittasini kelayotib shaftolizor bog‘dan topib oldim. Ikkinchisida o‘zingiz ko‘rib turganingizdek.

**BOSHLOVCHI:** – Ko‘rib turibman. Murabbo, pechenye, qatiq, non, bulochka... Kitob, daftarlaring esa ezg‘ilanib, buklanib ketibdi-ku! Eh essiz daftar, kitoblar. Maktabga o‘qigani emas, qorin to‘ydirgani borasan shekilli-a! Mana bu sumkang ochilmayapti-ku!

**BILMASVOY:** – Buni bog‘dan topib oldim dedimku. O‘zimam rosa urinib ocha olmadim. Bunga kalit bo‘lmasa ocha olmaymiz! Musiqa ostida davraga oltin kalit ko‘targan Buratino kirib keladi.

**BURATINO:** – Assalomu alaykum, qadrli bolalar, aziz mehmonlar va ustozlar! Bugun bayramlaringizni eshitib sizlarni tabriklagani ertaklar olamidan kelyapman.

**BILMASVOY:** – Kalitni menga ber.





**BURATINO:** – Sen odobni bilasanmi?

**BOSHLOVCHI:** – To‘xta, to‘xta Bilmasvoy! Sen o‘zing haqiqatan ham odobni bilmas ekansan. Sen Buratinodan kalitni iltimos qilib so‘rab ko‘rchi.

**BILMASVOY:** – Buratino, iltimos, kalitingni bir daqiqaga berib tur. Sumkamni ochib olay.

**BURATINO:** – Beraman, faqat bitta topishmog‘im bor. Shuni topsang beraman.

**BILMASVOY:** – Topaman, tezroq ayt.

**BURATINO:** – Qat-qatgina qatlama, esing bo‘lsa tashlama.

**BILMASVOY:** – Ey... bu qatlama-ku!

**BURATINO:** – Ey... Shu darding ovqat ekanda seni. Noto‘g‘ri! Bolajonlar sizlar topishmoqni javobini aytasizlarmi?

**BOLALAR:** – Bu kitob.

**BOSHLOVCHI:** – Bilmasvoy, Buratino bugun bog‘chamizda bayram, sizlar ham mehmon bo‘linglar.

**BURATINO:** – Mana, kalitni ola qol! Kalitni Buratinodan olib sumkani ochadilar.

**BOSHLOVCHI:** – Bolalar bu xat ekan. Bu xatda ertak qahramonlari, o‘rmon hayvonchalari sizlarni bugungi bayram bilan tabriklashibdi. Sizlar Vatanimizni yetuk farzandi bo‘lib yetishishingizga tilak bildiribdilar. Bilmasvoy senga ham rahmat, bu sumkani bizga olib kelganing uchun!

**1-BOLA:**

– Bog‘cham bo‘lsin deb shinam,  
tolmay yelib yugurgan.

Sizga ta‘zim qilamiz, rahmat mudira xolajon.





**2-BOLA:**

– O‘stirdingiz bizlarni tarbiyachi opajon,  
Har doim bo‘ling omon, sizga ta’zim ehtirom!

**3-BOLA:**

– Qo‘shiqlarni o‘rgatgan, musiqa chalib doim.  
Bizlarni xursand etgan, rahmat musiqachi opajon

**4-BOLA:**

– Oq yuvib oq taragan, charchash nima bilmagan.  
Bizga parvona bo‘lgan, rahmat enaga xolajon.

**5-BOLA:**

– Oziq-ovqatlar tashib, doim bizga yetkazgan.  
Xo‘jalik mudiri sizga ko‘pdan-ko‘p rahmat.

**6-BOLA:**

– Hamisha mehribonsiz, boshimizda turdingiz.  
Kasal bo‘lsak parvona, dorilarni berdingiz.

**7-BOLA:**

– Shirin ovqatlar qilib, parvona bo‘lib dildan.  
Shavla, palov pishirgan, xayr, oshpaz xolajon.

**8-BOLA:**

– Bog‘chamizni bog‘ qilib, ko‘rkam va salqin qilib.  
Doim gullar tutdingiz, xayr bog‘bon otajon.

**9-BOLA:**

– Quchoq‘ingdan ketaman,  
ardog‘ingdan ketaman.

Seni eslayman har dam,  
maktabim bag‘rida ham.

Hamma bolalar birgalikda “Unutmaymiz hech qachon, xayr mehribon  
bog‘cham” qo‘shig‘ini ijro etadilar. Bayram dasturi ommaviy raqs bilan  
yakunlanadi.







# XAYR BOG'CHA

## SALOM MAKTAB



Maktabgacha ta'lim



Maktabgacha ta'lim

## MTM XODIMLARI

# MAHSULOTI

